

故宮博物院藏

四庫全書
撤出本
彙編

第二冊

故宮博物院編
故宮出版社

故宮博物院藏

四庫

全書

撤出本

彙編

第二冊

故宮博物院編
故宮出版社

圖書在版編目 (CIP) 數據

故宮博物院《四庫全書》撤出本彙編 / 李士娟主編.

— 北京 : 故宮出版社, 2015.8

ISBN 978-7-5134-0764-9

I. ①故… II. ①李… III. ①古籍 - 圖書目錄 - 中國

IV. ①Z838

中國版本圖書館 CIP 數據核字 (2015) 第 191730 號

ISBN 978-7-5134-0764-9



故宮博物院《四庫全書》撤出本彙編

出品人: 王亞民

策劃: 張榮

主編: 李士娟

責任編輯: 江英 宋歌

裝幀設計: 王梓

責任印製: 馬靜波 常曉輝 顧從輝

資料提供: 故宮博物院圖書館 故宮博物院資料信息中心

出版發行: 故宮出版社

總發行: 北京鴻博儒文化傳播有限公司

地址: 北京市東城區景山前街四號

郵編: 100009

電話: 010-85007808 010-85007816

傳真: 010-65129479

網址: www.culturefc.cn

郵箱: ggcb@culture.cn

印刷: 北京金彩印刷有限公司

裝訂: 北京華彩盛志紙製品有限公司

開本: 787×1092 1/16

印張: 1160

版次: 2015年11月第一版

2015年11月第一次印刷

印數: 1-100 套

書號: ISBN 978-7-5134-0764-9

定價: 36000 圓 (共 37 冊)

第二册 目錄

南北史合注卷六—卷十二	一
卷六	三
卷七	一〇五
卷八	一八三
卷九	二七三
卷十	三四五
卷十一	四四五
卷十二	五一三

欽定四庫全書

史部
南北史合注卷六

第三分

欽定四庫全書

南北史合注卷六

明 李清 撰

梁本紀一第六

南史六

梁高祖武皇帝諱衍字叔達小字練兒

顏氏家訓曰梁子孫皆呼練為絹至謂銷練物為銷絹物

南蘭陵中都里人姓蕭氏與齊同承淮陰令整整生皇

高祖鎔位濟陰太守鎔生皇曾祖副子位州治中從事
副子生皇祖道賜位南臺治書侍御史道賜生皇考諱
順之字文緯於齊高帝為始族弟皇考外甚清和而內
懷英氣與齊高少而款狎嘗共登金牛山路側有枯骨
縱橫齊高謂皇考曰周文王以來幾年當復有掩此枯
骨者乎言之慄然動色由此知齊高有大志常相隨逐
齊高每外討皇考常為軍副及北討薛索兒索兒夜遣
人入刀徑至齊高卧所皇考手刃之頻為齊高鎮

軍司馬長史時宋主蒼梧王昏虐齊高謀出外皇考以
為一旦奔亡則危幾不測不如因人之欲行伊霍之事
齊高深然之歷黃門郎安西長史吳郡內史所經皆著
名吳郡張緒常稱文武兼資有德有行吾敬蕭順之表
梁據石頭黃回與通謀皇考聞難作率家兵據朱雀橋
回覘人還告曰朱雀橋南一長者英威毅然坐胡牀南
向回曰蕭順之也遂不敢出時徽皇考石頭幾不據矣
及齊高創業摧鋒決勝莫不仰成齊建元末齊高從容

謂皇考曰當令阿玉解揚州相授玉豫章王疑小名也
齊武帝在東宮皇考嘗問訊及退齊武指皇考謂疑曰
非此翁吾徒無以致今日及即位深相忌憚故不居台
輔以參豫佐命封臨湘縣侯歷位侍中衛尉太子詹事
領軍將軍丹陽尹贈鎮北將軍諡曰懿高祖以宋考武
大明元年甲辰生于秣陵縣同夏里三橋宅初皇妣張
氏嘗夢抱日已有娠遂產高祖高祖生有異光狀貌殊
特日角龍顏重岳虎顧古文八字項有浮光身映日無

影兩髀駢骨項上隆起有文在右手曰武帝為兒時能
蹈空而行及長博學多通好籌畧有文武才所居室中
常若雲氣人或遇者體輒肅然初為衛軍王儉東閣祭
酒儉一見深相器異請為戶曹屬謂廬江何憲曰此蕭
郎三十內當作侍中出此貴不可言竟陵王子良開西
邸招文學高祖與沈約謝朓王融蕭琛范雲任昉陸倕
等並游號八友融俊爽識鑒過人尤敬異高祖每謂所
親曰宰制天下必在此人累遷隨王鎮西諮議參軍行

經牛渚逢風入汭龍瀆有一老人謂高祖曰君龍行虎步相不可言天下方亂安之者君乎問其名氏忽不見尋以皇考艱去職歸建鄴及齊武不豫竟陵王子良以高祖及兄懿王融劉繪王思遠顧暉之范雲等為帳內軍主融欲因齊武晏駕立子良高祖曰夫立非常之事必待非常之人融才非負圖視其敗也范雲曰憂國家者惟王中書高祖曰憂國欲為周召欲為豎刁耶懿曰直哉史魚何其木強也初皇考之薨不得志事見齊魚

復侯傳至是鬱林失德齊明帝作輔將為廢立計高祖
欲助明帝傾武帝之嗣以雪心恥明帝亦知之每與高
祖謀時明帝將誅隨王恐不從又以王敬則在會稽恐
為變以問高祖對曰隨王雖有美名其實庸劣既無智
謀之士其爪牙惟司馬垣歷生武陵太守下白龍耳並
唯利是與若啗以顯職無不載馳隨王止須折簡耳敬
則志安江東富貴已極宜選姜女娛其心明帝曰吾意
也即徵歷生為太子左衛率白龍游擊將軍並至續召

隨王至都賜自盡豫州刺史崔慧景既武帝舊臣不自
安明帝憂之乃起高祖鎮壽陽外聲備魏實防慧景師
次長瀨慧景懼罪白服來迎高祖撫而宥之將軍房伯
王徐玄慶並曰慧景反跡既彰實是見賊我曹武將譬
如韞上鷹將軍一言見命便卽制之高祖笑曰此掌中
嬰兒耳殺之不武遂曲意和釋之慧景乃安隆昌元年
拜中書侍郎遷黃門侍郎建武二年魏將王肅劉昶攻
司州刺史蕭誕甚急明帝遣左衛將軍王廣之赴救高

祖以偏帥隸廣之行次熨斗州有人長八尺餘容貌衣冠皓然皆白緣江呼曰蕭王大貴高祖既屢有徵祥心益自負時去誕百里衆軍以魏軍盛莫敢前高祖謂諸將曰今屯下梁之城塞鑿峴之險守雉脚之路據賢首之山以通西關以臨敵壘三方犄角出其不備破之必矣廣之廣不從後遣徐玄慶進據賢首山魏絕其糧道衆懼莫敢援惟高祖獨請先進廣之益帝進甲銜枚夜前既而失道望見如持兩炬者隨之果得道徑上賢首

山廣之軍因得前魏軍未脅高祖堅壁不進時王肅自攻城一鼓而退劉昶有疑心高祖因與書間成其隙俄風從西北起陣雲隨之來當肅營尋風回雲轉還向西北高祖曰此所謂歸氣魏師遁矣令軍中曰望麾而進聽鼓而動乃傾壁十萬陣于水北高祖揚麾鼓譟響振山谷敢敢之士執短兵先登長戟翼之城中見援至因出軍攻魏柵魏軍表裡受敵因大崩肅昶單騎走斬獲千計流血絳野得肅昶巾箱中魏帝敕曰聞蕭衍善用

兵勿與爭鋒待吾至若能擒此人則江東吾有也以功
封建陽縣男尋為司州刺史有沙門自稱僧憚謂高祖
曰君項有伏龍非人臣也復求莫知所之高祖在州甚
有威名嘗有人餉馬高祖不受餉者密以馬繫齋柱而
去高祖出見馬答書殷勤縛之馬首令人驅出城外馬
自還都為太子中庶子領四廂直出鎮石頭明帝性猜
忌高祖避時嫌解遣部曲常乘折角小牛車明帝每稱
其清儉勗勵朝臣四年魏孝文帝自率大衆逼雍州刺